


Edukasyon sa Pagpapakatao

Una nga Graduhan– Modyul 2: Pagtapod ha Kalugaringon





Aradman

Pagkatapos hini na mga buruhaton ha modyul, naglalaom kami nga maipapakita nimo an imo mga abilidad o talento ha iba iba nga pamaagi sugad han pagkanta, pagsayaw, pagsiday ngan iba pa , pinaagi hin pagkakamay ada hin pagtapod hit kalugaringon.

(EsP1PKP- Ib-c-2)



Inadman



Gamit an mga ladawan ha igbaw, batuna an nasunod nga mga pakiana.

1. Ano an imo masisiring han mga ladawan ha igbaw?
2. Mayda ba mga ladawan ha igbaw nga imo na nabuhat ?
3. Hain man liwat hini nga mga ladawan an waray mo pa buhata ?
4. Ha imo pagkita ano an mga angay mo buhaton para mahimo mo an mga butang nga waray mo pa kabubuhata?

Aradman

1

Paghatag Hin Importansiya ha Kalugaringon

An pagkamay - ada hin pagtapod ha kalugaring in usa nga importante nga butang han pagpakita hin importansiya ha kalugaringon . Ini an nagigin dalan para umasenso an ngatanan nga aspeto han aton kinabuhi . Nabubug-os an aton pagtapod mismo ha aton kalugaringon nga may pag-tuo nga maaakos naton buhaton an usa nga butang.

Padayon liwat nga nagigin marig –on an pagtapod ha kalugaringon samtang ginpapaupay ngan gin papauswag mo ini. Kon mayda ka pagtapod hit imo kalugaringon, nagigin masayon an mga buruhaton.



Panumdum

Ha una nga leksiyon nakilala mo an imo kalugaringon pinaagi han mga butang nga akos ngan dire mo pa akos buhaton.

Igdrowing ha una nga kahon an imo mga abilidad o talento ngan ha usa liwat nga kahon an imo mga kaluyahan o dire mo akus buhaton.

ABILIDAD

KALUYAHAN



Diskubreha

Direksiyon : Igdrowing an malipayon nga nawong

😊 ha mga buruhaton nga akos mp ngan masulub-on nga nawong ☹ kon dire mo akos buhaton o nakukurian ka pagbuhat.



1. _____



2. _____



3. _____



4. _____



5. _____



Adman 'ta

Direksiyon: Isurat an tsek (/)kun an pamulong nagpapakita hin pagtapod ha kalugaringon ngan ekis (X) kun waray pagtapod.

- ____1. Hi Roel nagpadayon la han iya pagdrowing bisan damo an nagtatamay han iya ginhimo.
- ____2. Umukoy na ha pagkanta hi Lita tikang han waray hiya magdaog han paisan isan han pagkanta.
- ____3. Nag- aaro hin sagdon ha mga eksperto hi Gabby han tama nga pagsiday/pagluwa.
- ____4. Waray tapusa ni Rita an paghimo han iya proyekto ha pagdrowing kay dara nga nakukurian hiya.
- ____5. Naghahatag hin oras hi Jessa para mag praktis pag gitara kahuman hit iya klase.
- .



Mga Buruhaton

Basaha ngan intindiha an istorya .

An Bata Nga Hi Lea

(ni: Fritzi A. Ramos)

Hi Lea naeskuwela ha Sta Rita Isabel Sur Elementary School .Usa hiya han mga makarit nga estudyante ni Mrs. Ramos ha Grade 1 . Bilib liwat ha iya an iba nga mga estudyante kay dati gud man hiya magdrowing.

Hiya pirme an nakakakuha hin pinakahataas nga grado ha Art Education tungod han kamagupay han iya pinandrodrowing .

Ha luyo han mga pagdayaw ha iya ha eskuwelahan, hi Lea usa la gihap nga awdonon nga bata ,waray la gihap hiya pagtapod han iya kalugaringon nga umapi hin bisan ano nga paisan - isan hin pag drowing. Diri hiya napipirit han iya mga kag-anak hin pag-api hin mga paisan-isang .

Usa ka adlaw nag kamay-ada hin paisan isan ha eskuwelahan ngan nagsari hi Lea hin pag api. Ha siyahan umabat hiya hin kahadlok ngan kakulba tungod han kadamo nga magkirita. Nagpadayon hiya han pagdrowing ngan waray ine pakaulang han iya pag-api .

Hi Lea an may ada pinaka maupay nga drowing han ngatanan nga umapi ha siyahan nga grado, .Sanglit an iya gindrowing an napili nga pinakamaupay ngan asya an nagdaog han paisan-isang .

Duro hin kalipay an iya maestra tungod han iya iginpakita nga pagtapod han iya kalugaringon.

Batuna an mga pakiana ha papel:

1. Hino an bata nga ginsisiring ha istorya?
2. Ano an kinaiya ni Lea?
3. Kay ano nga waray hiya kapipirit han iya mga kag anak nga umapi hin mga paيسان- isan?
4. Ano an gin abat ni Lea han siyahan niya nga pag api han paيسان- isan han pagdrowing ?
5. Nagin rason ba an gin abat ni Lea para diri hiya umapi han paيسان- isan?
6. Kay ano nga malipayon an iya maestra han iya pag api?
7. Kun ikaw hi Lea susubdon mo ba hiya ? Kay ano ?



Akon Nahibaruan


An pagtapod ha kalugaringon amo an pagtuo nga maaakos mo o mabubuhat mo an mga buruhaton bisan ano ini kamakuri. Kinahanglan andam ka ngan mag antos para la mabuhat an usa nga butang o buruhaton nga puwede maghatag ha imo hin inspirasyon , para mapauswag mo an imo abilidad o talento.



Akon Mabubuhat

Direksiyon: Isurat ha sulod han bukad an puwede mahitabo han imo abilidad kon mayda ka pagtapod han imo kalugaringon

An duha nga ehemplo gin hatag na para nimo subaran hit imo pagbaton .





Pagsukol han Nahibaruan

Direksiyon: Igsurat an pulong nga **Eksakto** kun tama ngan **Sayop** kun diri..

- _____1. An pagtapod ha kalugaringon usa nga basihan para akos buhaton an usa nga butang .
- _____2. Diri igpapadayon an mga butang nga makuri buhaton.
- _____3. An abilidad o talento kinahanglan pauswagon ngan diri igkaawod .
- _____4. An kahadlok ngan kaawod pagbuhat hin usa nga butang tigaman hin waray pagtapod ha kalugaringon.
- _____5. Nagigin mainuswagon an mga buruhaton kon may pagtapod ha kalugaringon.



Kadugangan nga Buruhaton

Direksiyon: Ha sulod han una nga kahon, igdrowing an imo talento o abilidad nga mayda ka. Tapusa naman an pamulong ha luyo nga kahon

	An akon talento o abilidad kinahanglan ko _____. An pagkakamay ada pagtapod ha kalugaringon an _____.
--	---



Mga Baton

Adman ta 1. / 2. X 3. / 4. X 5. /	Mga Buruhaton 1. Lea 2. Maupay mag drowing, arawdon 3. Kay arawdon hi Lea nga bata 4. Nakababai hi Lea hin kahadlok ngan kulba 5. Dara han gin pakita nga kahusayan ngan pagtapod han kalugaringon	Pagsukol han Nahibaran 1. Eksakto 2. Sayop 3. Eksakto 4. Eksakto 5. Eksakto
---	--	---